

# Nepomuk Gaschi

Ausschnitte aus dem Programm 2010

scusi, sorry, tuat miar jo - so schüli leid  
gschidi Schwytzer sind a klini Minderheit  
du Held! wia gsait - as tuat üs so schreckli leid  
dr'Merz hät am Gadaffi - so richtig d'Meinig gseid

Revolution und Nachburskrieg - im Dörfli Vella  
dia Schwii vum Renzo - hät döt würkli niamert wella  
im Blick a Foti zeigt d'Renzo - mit sienem Schwii  
oder isch ufem Bildli - öppa d'Ladina gsie?

vum Bundesroth a Foti - git's wia jedes Jahr  
d'Evelin leit Make-Up uf - und Doris richtet d'Hohr  
dr Didier frogt dr Uali - „wo sölli i herra stoh?“  
denn dä keiba Couchepin - hät kei Lugga hinterloh

ma dörf uswärts flörta - villlicht au umaschmusa  
bhalt dien Tiger in da Hosa - lohna jo nit usa  
sini Frau jetzt - vor verrückti kocht  
dr Tiger hätt - am falscha Green iglocht

dr Berlusconi isch a Tschingg - und a geile Bock  
geiferet bi jedem - junga Wyberrock  
d'Veronica tuat sich - jetzt drum scheid a loh  
gschieder wür sie dr Alt - mit ama Dom erschloh

Nacktscanner seit dr Zöllner - zum Doktor Tribi barsch  
er geht sin Ranza, inna Schritt - und au sin Arsch  
er meint, kasch Flüga - do gits nüt dra z'rüttla  
wells Bild zeigt dis Gesicht - wellas zeigt dis Füttla?

im Maxim do göhn jetzt – d'Liachter us  
machen doch a Polizei - poschta drus  
söttis gföhrli werda - im „Bermudadreieck“  
denn hän dia Tschugger döt - a huara guats Versteck

Gmeinsamkeita vum Streller mit em Bur - vu Hinwil  
weder Ball no Gummistiefel - treffen iaras Ziel  
dr Bur dä fluacht dr Marco - seits viel fiiner  
as Goal isch im Vergliech - zum Mul vur Doris kliiner

wissa Beton und - a goldigs Gländer  
dr'Olgianti findets Kunscht - und kriagt a Ständer  
behindertagrecht Baua - koscht a hufa Franka  
hundertzwenzig Behinderti - tüans im verdanka

Mijatovic, Kiassumbua - und Granit Kasami  
Nimeley, Pajtim Severovic - und au Kofi Salami  
Sead Hajrovic, Pele fuf - Nassim Ben Khalaffi  
sind Schwizer Tschutter – und nit Kamel vum Gadaffi

brutala Mord oder Suizid ?- do frog i mi  
dr King of Pop - isch bi da Läbiga nümme dabi  
sisch nit as Versäga - vu Niara oder Galla  
dä Keib isch eifach - usanander gfalla

dr Papscht winkt allna zua - und git sin Sega  
a Frau hüpfet uf in los – will im öppis Wichtis säga  
tuan betta für dia Dümmschta – das isch kei Scherz  
gib dr Sega für da - Murer und da Merz

gsehsch dr Holzkopf vum Gadaffi - Muhamar  
meinsch luagsch ins Gesicht - vumna alta Dromedar  
dr Bubi Haniball - tuat no viel meh spinna  
glicht nit am Gesicht - dafür am Dromedar vu hinna

üsi Bundesröhtli sind - doch en Hit  
sind überzügt, dass d'UBS - nögscht Johr au no git  
d'Analyse vum Merz - göhn meischt in d'Hosa  
a Trefferquota wie am Mike - Shiva sini Prognosa

Swisair, UBS - und jetz villicht no Poscht  
hän schu a schwetti Geld – vu üs Bürger koscht  
wer denkt das isch jetzt alles – isch a dumma Lappi  
am meishta koscht dr Lohn – vu üsem Khurer Stappi

i wett i hätt in Khur - mis eigna Minarett  
a Minarett in Khur - dass wär jo wüerkli nett  
as git kei Türmli für d'Muslima - dia cheiba netta  
si könn jo dia zwei Türmli - vum Domenig go abetta

Janom Steiner hät so Angscht - voll sind iari Hosa  
sie rennt zum Arzt – verlangt a Diagnosa  
er langt sich anda Kopf und meint - i lang an Holz  
Schwiigrippa häsch du nit – au Vira hän iara Stolz

Sie tagen für d'Füchs – in Kopahaga  
S'Ergebnis gleich Null – do platzt miar dr Kraga  
Klimaschutz do isch - wieder niemert derbi  
Dr einzig wo zvrüede grinst – isch üsa Moritz gsi

Ivanovic, Vucelic, Postich – jetzt heisst ufpassa  
machscht a Fehler – chömmer di usschaffa  
ab über d'Grenza – das isch en Hit  
ach Simonetta! – gang doch au no mit